

義烏縣志

卷十三
卷十四

義烏縣志卷十三

人物

名臣

烏古志人物首列名臣誠以建大策決大疑定大難
當大任如宗忠簡者尙已他如吳襄毅輩皆勲業炳
麟光照青史舊列王忠文龔忠節樓侍讀金參議四
人今依通志改入忠臣左司朱氏別標理學而華川
序其集特論其大節亦本通志列此而明體之學未
嘗不因達用而見至後之步武前蹤者亦皆能入參
風議出著勲勞並足名垂不朽云志名臣

宋

宗澤字汝霖母夢雷電紅光下燭寤而生澤自幼有大

志元祐六年登進士第調館陶尉歷龍游膠水趙城

令民未知學澤為建庠序設師儒論經術風俗一變

改知掖縣差通判登州

時境內官田積荒
賄輸澤奏免之

忤道士之

得幸用事者予祠而歸復坐削奪羈置鎮江尋監鎮

江酒稅朝廷議遣使由登州結女真盟海上謀夾攻

契丹

澤語所親曰天
下自此多事矣

退居東陽結廬山谷間靖康元

年中丞陳過庭等列薦假宗正少卿充和議使澤曰

是行不生還矣或問之澤曰敵能悔過退師固善否

則安能折節北庭以辱君命乎且奏名不正改計議

使衆謂澤方剛難合必不能屈且徒死無補不若付

以河朔一要郡除直祕閣知磁州從羸卒十餘人倍

道之官至則治城池脩器械廣儲蓄募敢勇爲必守

計且條畫邊防要策與勤王之議上之

言邢洛磁趙相五州各蓄

精兵二萬敵攻一郡則四郡皆應是一郡之兵嘗有十萬人上嘉之

除祕閣修撰河北

義兵都總管

金人破真定直抵磁州澤登城令壯士射走之開門縱擊斬首數百級

康

王再使金過磁澤迎謁曰肅王一去不返金敵又詭

辭以致大王願勿行

王遂回相州百餘年社稷定於此

南宋有詔以澤

爲副元帥加集英殿修撰

從王入援

時康王開大元帥府

檄兵會大名澤履冰渡河見王謂京城受圍日久入
援不可緩會有輔臣蠟封欽宗手詔至自京師言和
議可成澤曰金人誘我師耳君父之望入援何啻饑
渴宜急引軍直趨渭南衛次第進兵以解京城之圍萬
一敵有異謀則吾兵已在城下汪伯彥等難之勸王
遣澤先行自是澤不得預府中謀議二年正月澤至
開德凡與金兵十三戰皆捷康王承制以澤爲徽猷
閣待制方進兵臨濮而京城不守矣金人逼二帝北
行澤卽引兵趨滑抵大名將徑渡河據金人歸路邀
還二帝而勤王之兵卒無一至者又聞張邦昌僭立

欲先行誅討會得大元帥府書約移師近都按甲觀
變乃還軍衛南累上書高宗勸進建炎元年五月高
宗卽位南京澤趨詣行在入對涕淚沾臆陳興復大
計踰千言且曰願陛下下一怒以安天下之民臣雖驚
怯當冒矢石爲諸將先得捐軀報國家志願足矣高
宗壯其言欲留之昔宰黃潛善等阻之除龍圖閣學士知襄陽府

改知青州用尚書右僕射李綱薦俄改知開封府時敵騎留屯

河上金鼓之聲日夕相聞而京城樓櫓盡廢兵民雜
居盜賊縱橫澤至首捕誅舍賊者數人下令曰爲盜
者賊無輕重並從軍法由是盜賊屏息民賴以安王

善者河東巨寇也擁衆七十萬楊進號沒角牛兵三十萬王再興李貴王大郎等各擁衆數萬往來京西淮南河南北侵掠爲患澤悉招降上疏請上還京除延康殿學士京城留守兼開封尹其訓辭曰雖蕭何之守關中尅恂之徇河內以卿比迹於古有光澤素蓄忠義至是益自感奮招集四方義士得百餘萬而於京城四壁各置使以領之立堅壁二十四所復有河北山寨效順者數十萬來聽節制京城內外所屯兵實百八十萬

轉資政殿學士

方尅日大舉渡河

與諸將議以六月起

師協謀勦敵期還二聖又前後請上還京二十餘疏

每為潛善等所抑憂憤成疾直發於背諸將入問狀矍然

起曰吾固無恙政以二帝蒙塵積憤至此汝等能殲

敵吾死無恨眾皆灑泣同聲應曰敢不盡力諸將出澤長嘆

曰出師未捷身先死長使英雄淚滿襟翼日風雨晝晦澤無一語及家

事唯呼渡河者三而薨遺表猶贊上回鑿二年七月也時高

宗南渡已久至是有旨除澤門下侍郎御營副使命

未下而訃聞詔贈觀文殿學士通議大夫賜諡忠簡

先是秉義郎岳飛犯法將刑澤一見奇之以五百騎

授飛立功贖罪飛大敗金人而還升飛為統制飛由

是知名時劉衍劉達等皆受制各為死戰破敵金人戰不利悉引去威聲大震北方聞其名常尊

事見鼎元 卷一三
憚之對南人言但稱宗爺
爺燕趙豪傑皆樂爲用
澤旣薨議者謂其子穎嘗

居戎幕得將士心宜用以卒父功於是朝廷已用杜

充爲留守乃除穎秘閣留守判官充盡反澤所爲穎

屢爭之不從乃持服歸所集義士悉散去而中原不

守矣穎後爲兵部郎中
孫男五人皆用蔭補官葬潤州今鎮江龜灣楊士奇書復

立宗忠簡公墓碑卷後有集六卷并遺事附錄二卷傳參通志

贊曰高宗之南渡也中原之事一委於忠簡及中原

尅復而高宗乃無有北還意忠簡以中原無所倚因

請以信王榛爲兵馬大元帥信王榛者高宗親弟也

潛善伯彥輩輒譖其有異圖遂有門下之命雖日尊

任之然實奪之權家傳國史皆不書其事蓋諱之也

嗚呼高宗之無意中原固不足論使忠簡而緩死則

神州全壁社稷長靈實嘉賴之矣然則盛衰之際庸

非天平本王禕先達傳前輩云宋無公宋不得南公不死宋不終南又云無忝於傳召鄧耿李

郭諸臣

附遺事 公與同舍生林迪相友善迪先公登第音

問不相及者累年官於萊之別邑孳家來謁經旬而

去繼以病告公往視之疾已革尚能語曰迪身如何

公曰某任後事曰室人子女如何公曰嫂當養子當

教之使立女當選佳士歸之悉如迪意後以迪女妻

修職郎康森且慮居處南北再以親女妻森之弟劬
申愛好焉迪子懋後從公討賊得官為文登令卒於
官其家素貧不能歸公親吊之厚以俸資其行公之
節義如此者甚衆本言行錄

公守京都敵自鄭直抵白沙鎮距京二三百里諸將
請間議守禦之策公方延賓圍碁笑語如無事時衆

莫敢言退而分部伍撤甲橋披甲登城都人愈恐公知之戒諸將曰何事張皇命諸軍士悉解甲歸寨曰劉衍等在外必能為我禦敵選精銳數千以益之戒曰宜繞出賊後設伏要路毋輕出戰俟其至則縱兵夾擊之且諭寮屬曰上元密邇盍舉舊法行之命牖諸市張燈五日暫弛夜禁士民悅之往來車馬不異平日敵遊騎至城下疑不敢入人亦不之懼衍與敵遇大戰敗之悉得其輜重及收燈之夕捷書與至衆始知元夕乃王師接戰於版橋之時也

朱元龍字景雲

稱厲志先生

嘉定十六年進士歷温州平陽

池州青陽兩縣尉調饒州司理參軍德興令誣其民

董氏五兄弟溺死縣卒具獄上力辨其非辜其兄弟

得不死後皆為名進士它所平反者甚衆嘉熙元年

以處州縉雲縣令治最擢幹辦行在諸司糧料院

對輪

論三邊形勢理宗嘉納語
近臣曰朱元龍好臺諫官
尋除宗正簿陞宗正丞兼

權左司郎官
國史院編修實錄院檢討元龍之在左司也
京局官或挾權

貴勢求舉牘輒斥之曰舉牘可以勢取邪中官陳恂

益求建節事下都司議元龍擬曰優異內官寵賁節

鉞雖出於特恩主張國是愛惜名器必由於公論力

持不可宰臣傳旨令改擬對曰吾職可罷筆不可改

也宗室與民訟圩田眾莫敢決元龍毅然決之曰於

法品官不許佃民田天子屬籍之親乃爭田邪歲旱

宰執勸上幸明慶寺禮佛元龍曰稽首號泥佛蕪軼

且不為可以天子為之乎時方括兩淮浮鹽元龍致

名臣 六

書執政謂朝廷行商賈之事廟堂踵諸閭之規使史
氏書曰括浮鹽自今始不可又兩上封事言自宮禁
朝廷以及百官萬民皆可痛哭流涕先是史嵩之在
督府元龍劾其殺富民王倫之寃并活其子於是嵩
之入相疾其直言遂以斥去差知衢吉二州皆旋予
祠改知台州以憂不上既而鄭清之再入相清之尤
素惡其剛直遂以朝奉大夫致仕家居十年乃卒元
龍早受業於僑既又從四明袁正獻燮遊燮象山陸
氏門人也故元龍之學得朱陸之異而會其同有文
集若干卷

王忠文公禕訂定有序見藝文遺彙十卷及讀騷集子幼

學見志節

從子杰繼取進士治郡有能聲官將作少監舊見理學今依通志改入

明

吳百朋字惟錫別號堯山其先為姑蘇人宋紹定中祖

造自青田尉移烏傷遂世為義烏人

居大園百故為伯按楚時世宗

御筆去人從百

父瓊以明經任鹽城教諭為人倜儻好大節

家貧幼失恃數從外舍讀饋不繼同舍生往往傳食

之常往郡挈一履做篋中曳從僕革履以行抵郡郭

廼出篋中履納之布袍襪褌意豁如也成嘉靖丁未

進士令永豐壹意悃悞郡刺史蜚語上直指詫曰孰

如永豐令臥治者最上考庚戌徵試山西道御史巡

長蘆鹽復按江北時島夷大訐無爲州未城奏築之
行部泗倭萬餘猝薄瓜步乃調輕騎自將援維揚望
江上湛浮肢解皆淮卒有參將以單舸遁衆股栗不
欲前百朋亟之督撫所而闔門者三日以符印納百
朋所百朋遂集衆料兵食賊晨傳而百朋已授兵登
陴已門者奉督撫諭弗納民百朋急傳啟關令魚貫
入盈而閉已復啟所全活甚衆薄暮出奇兵三千壓
其營殲其前隊斬首渠八遂遁先是城中聞變三監
司及諸長郡邑守令無人色齒相擊非百朋從泗上
來城不守於是奏築東關外城延袤十里商民立吳

公祠祀焉事聞督撫以下繫遠如法百朋得褒詔賜金帛時上方以湯沐在楚歲簡才御史按之會明堂興楚有大役復遣百朋至則鳩楚者無遺筭竣事大城樊口障襄陽陟大理寺丞轉少卿癸亥改右僉都御史撫鄖方就道會江廣數上書言山海寇煽虐願張天討上忽從他推疏中改撫虔虔處江閩桂粵交地獷悍所在逋逃藪潮海倭寇浸淫十年諸獠數爲鄉導躡內地已挾倭自重築關置壘各聚亡命數萬連數千百里稱王署長布中訶伺察公府動靜當事諱之輒撫再受撫輒起倭內倚山寇勢益張百朋策

不盡去山寇海患未息急急集兵令諸將廣設購賞能以賊出沒期會告者官之適奉詔合討倭之患潮者而香寮寇楊益乘間出流劫漳平令魏文瑞扼之覆沒百朋急勒部兵疾趨火菁薄搗之不浹旬破巢四十有奇擒益遂趨潮倭新舊合營二萬餘據泔水都神山溝百朋厲諸將擊之潮陽大破之又擊之饒平秋溪破走之又擊之海豐大破之鹵首千餘倭連舟遁於是進勦平樂始興程鄉黃沙皆破擒之又會師漳潮擒吳平又會師翁源河源擒曾東田馬元湘李春文其餘龍門英德和平雲溪鎮李村鴻雁洲乍吁